

編號：041

筆畫：3

篇名：大鐵椎傳

作者：魏禧

出處：虞初新志；中學中國語文科課程綱要（1990）建議採用

寫作年份：明末清初

文白語體：文言文

字數篇幅：約 780 字

表達方式：記敘

結構層次：

第一大段：寫北平陳子燦曾見過大鐵椎這個人，但並不知道他是怎樣一個人。(第 1 自然段)

第二大段：寫大鐵椎行蹤飄忽、來去無迹的大俠絕技。(第 2 至 3 自然段)

第三大段：寫大鐵椎擊殺群盜、所向披靡的高強武藝和豪邁氣概。(第 4 至 5 自然段)

第四大段：讚美大鐵椎是豪俊、俠烈，魁奇之士，天生異人，必有所用。(第 6 自然段)

篇章主旨：

這篇文章塑造了一個身懷絕技、行蹤飄忽的俠士形象，表示了自己對這樣的俠士的熱情讚賞與向往。

附：原文

041

## 大鐵椎傳

魏 禧

1 大鐵椎，不知何許人；北平陳子燦省兄河南，與遇宋將軍家。宋，懷慶青華鎮人，工技擊，七省好事者皆來學；人以其雄健，呼宋將軍云。宋弟子高信之，亦懷慶人，多力，善射；長子燦七歲，少同學，故嘗與過宋將軍。1

2 時座上有健啖客，貌甚寢；右脅夾大鐵椎，重四五十斤，飲食、拱揖不暫去；柄鐵摺疊環複，如鎖上鍊，引之長丈許。與人罕言語，語類楚聲。問其鄉及姓字，皆不答。

3 既同寢，夜半，客曰：「吾去矣！」言訖不見。子燦見窗戶皆閉，驚問信之。信之曰：「客初至時，不冠，不襪；以藍手巾裹頭，足纏白布；大鐵椎外，一物無所持，而腰多白金。吾與將軍俱不敢問也。」子燦寐而醒，客則鼾睡炕上矣。

4 一日，辭宋將軍曰：「吾始聞汝名，以為豪，然皆不足用，吾去矣。」將軍彊留之。乃曰：「吾嘗奪取諸響馬物，不順者輒擊殺之，眾魁請長其，吾又不許；是以讎我。久居此，禍必及汝。今夜半，方期我決鬥某所。」宋將軍欣然曰：「吾騎馬挾矢以助戰。」客曰：「止！賊能且眾，吾欲護汝，則不快吾意。」宋將軍故自負，且欲觀客所為，力請客。客不得已，與偕行。將至鬥處，送宋將軍登空堡上，曰：「但觀之，慎弗聲，令賊知汝也！」

5 時雞鳴月落，星光照曠野，百步見人。客馳下，吹鬻策數聲。頃之，賊二十餘騎四面集，步行負弓矢從者，百餘人。一賊提刀縱馬奔客，曰：「奈何殺吾兄？」言未畢，客呼曰：「椎！」賊應聲落馬，馬首盡裂。眾賊環而進；客從容揮椎，人馬四面仆地下，殺三十餘人。宋將軍屏息觀之，股栗欲墮。忽聞客大呼曰：「吾去矣！」地塵且起，黑煙滾滾東向馳去，後遂不復至。

6 魏禧論曰：「子房得力士，椎秦皇帝博浪沙中；大鐵椎，其人歟？天生異人，必有所用之。予讀陳同甫《中興遺傳》，豪俊、俠烈、魁奇之士，泯泯然不見功名於世者，

又何多也？豈天之生才，不必爲人用歟？抑用之自有時歟？子燦遇大鐵椎爲壬寅歲，視其貌，當年三十。然則大鐵椎今年四十耳。子燦又嘗見其寫市物帖子，甚工楷書也。」